

# KERATAN AKHBAR

TARIKH : 26 JANUARI 2023  
AKHBAR : SINAR HARIAN  
MUKA SURAT : 30

## Indeks harga pengguna diunjur 3.0 peratus

# Indeks harga pengguna diunjur 3.0 peratus

Pergerakan kadar yang dilihat rendah pada tahun 2023 itu dipercayai melibatkan kawalan pihak berkuasa

KUALA LUMPUR

**C**GS-CIMB Securities Sdn Bhd menjangka Indeks Harga Pengguna (IHP) berkembang pada kadar yang rendah sebanyak 3.0 peratus tahun ke tahun pada 2023 berikutan langkah-langkah kawalan harga yang berterusan.

Dalam nota penyelidikan pada Rabu, firma sekuriti itu berkata, inflasi keseluruhan menunjukkan tanda-tanda sederhana berikutan kesan asas rendah yang berkurangan dan penurunan harga komoditi.

Ia percaya campur tangan kerajaan dalam barangan yang ditadbir akan berterusan dalam tempoh terdekat.

"Kami menjangka inflasi akan berkurangan pada asas tahun ke tahun tetapi kekal tinggi dalam jangka pendek hingga sederhana berdasarkan tekanan harga yang berterusan," katanya.

Inflasi keseluruhan meningkat 3.8 peratus tahun ke tahun pada Disember 2022, rendah sedikit daripada 4.0 peratus pada November 2022 berikutan pertumbuhan yang perlahan untuk kos makanan dalam persekitaran langkah-langkah kawalan harga oleh kerajaan.

CGS-CIMB Securities berkata, semakah semula subsidi elektrik pada Januari 2023 untuk pengguna bukan domestik serta bukan per-



Antara faktor mempengaruhi IHP adalah peningkatan harga sumber tenaga, kadar gaji minimum, kadar cukai, harga barangan import dan juga penyusutan nilai matawang.

usaha kecil dan sederhana (voltan rendah) mungkin membawa kepada peningkatan dalam inflasi keseluruhan.

Bagaimanapun, impaknya adalah minimum berdasarkan sumbangannya yang terhad kepada kumpulan IHP, katanya, sambil menyatakan pergerakan harga baru-baru ini telah didorong terutamanya oleh faktor tolakan kos berbanding tarikan permintaan dalam persekitaran pasaran tenaga kerja yang lebih tegar dalam negara (rundingan gaji terhad dan berperkesatuan yang lemah).

Sementara itu, Public Investment Bank menjangka tekanan inflasi akan kekal tinggi dalam tempoh terdekat tetapi kadar pertumbuhan dijangka rendah pada suku pertama 2023 berikutan inflasi yang lebih stabil untuk barangan bukan makanan sejajar dengan panduan yang diberikan oleh Bank Negara Malaysia (BNM).

"Kami menjangka inflasi keseluruhan negara berada pada pu-

rata dalam julat 3.0 peratus dan 3.5 peratus pada tahun ini, tertakluk kepada perubahan dalam langkah-langkah dasar domestik seperti kemungkinan pengenalan subsidi bahan api bersasar dan kawalan harga.

"Oleh itu, kami menjangka penjelasan yang menyeluruh mengenai garis masa dan strategi untuk penggunaan subsidi bersasar untuk menyokong kumpulan pendapatan B40 dan M40 serta perniagaan kecil yang terjejas oleh kenaikan harga baru-baru ini, yang kami menjangka akan dinyatakan dalam pengumuman Bajet 2023 pada Februari," katanya.

Public Investment Bank menjangka bank pusat akan menaikkan kadar utama 25 mata asas lagi kepada 3.00 peratus pada separuh kedua tahun ini tetapi ini bergantung kepada langkah-langkah dasar domestik, seperti kemungkinan pengenalan subsidi bahan api bersasar dan kawalan harga. -Bernama